

# 感恩縣志卷十九

藝文志 五古詩

孤妖

符芬

咸豐十一年歲次在辛酉時值秋夏間狐妖遍地走作祟禍居民縮陰並縮手非病忽殭屍聲嚙不出口每當呈怪時變雞或幻狗或作擗屋聲擲瓦如拉朽或作豕負塗縱橫填道右或作螢火飛燎熠照數畝或作閨中粧粉面等新婦一人偶見之縮症登時受惟覓老薑春沿身擦至首兼以火藥攻立愈不湏久嗟此鬼怪精曠古所未有鄉人各心驚相邀求木偶集衆虔燒香宰牲復載酒祭畢更點兵晝夜永巡守神日付人言要殄此羣醜巫人作先驅丁壯競隨後荷戟又操戈鳴鑼復擊缶轟轟烈烈聲有如群虎吼沿村枉搜尋踏遍岡陵阜家家出藥錢米耗有幾斗村氓囊已空值事猶催取中有解事人道此殊否否惟神本聰明去妖如去垢大力能回天何須助攻陪人惟敬以持慎勿爲物誘

寫怪異與援救等情曲曲傳出可謂善道俗情

## 時疫紀事

廩生

符英惟芬子

感恩縣志

卷十九

藝文志

詩

一

海口海南書局承印

太平全盛時人壽年豐足雨順風亦調陽羸陰自縮無如氣候乖時運逢六百宣統辛亥年夏五當暑伏疫癘遍流行殺人何其速嘔瀉一齊來轉筋作抽搐症變卒無常三焦蒸熱鬱頃刻聲已嘶轉瞬失面目輕者略遷延重者不越宿晨方與坐談夕竟從鬼伯日且赴田園夜遽作故物忍痛只吞聲至親不敢哭鄰村俱罹災無處購材木大半赤身埋勝似瘞犬犢傳染徧鄉村人人胥受毒幸藉古醫方急救多痊獲但恐症兇危仙丹亦枉服茫茫浩劫中主宰操冥漠也知有命存命數誰能白憂懼無所依虔誠禱神佛迷信巫流言心驚無把握日跪神案前宣經唄梵籙到處念真言沿門掛青葢（以蘆葦掛門謂之掛青）集衆敬和禳依然猶顛仆神也無奈何多求徒褻瀆合村亂洶洶逃避相催促八九存二三間或走空屋疾廢轉歸來慌張又往復卒令後死人無伴抬骸骨將尸付車推不啻委溝瀆甚者死滅門或僅遺孤獨縱然富貴家遭此亦賤辱歷歷半生來未經此慘酷嘗聞父老傳往事堪追錄道光三十年（庚戌）瘟災流闔屬吾鄉四百家死亡多逾百事當危急時無人不喪魄日斜便掩扉日升纔啓褥溺器藉草灰（勿使溺响）蓋甕藏燈燭（不敢露光）終夜不成眠鼠動都穀棘每聞鬼語聲隱約馬蹄逐（夜聞鬼馬聲次早即大凶）勢更等燎原凶燄不可撲道路絕行人山野斷樵木今歲將毋同人心更如沸（此症初起即急

投以清涼解毒之劑及治疫正氣諸方服之即愈最忌熱藥米氣）我睹此情形哀慘不忍矚靜日坐愁城不知命何續五內如灼焦進退俱維谷將欲效奔逃奈無安樂國將欲仗神扶再三瀆不告思量無別方惟有安靜默此乃二氣災邪穢相衝突謹慎善提防清心而寡欲日食戒暈腥夜眠休露腹內外常潔清勿留積污濁藥散不離身時出噴嚏出（常以雷擊散拭鼻取出噴嚏使毒氣不侵）氣正癘潛消邪疫何處觸悔過善修行災弭祥可卜人定自勝天允錫康寧福

### 邑中八景

#### 大雅返照

（即城東三十里之大雅山也夕陽斜照疊嶂層巒參差而出與蒼翠之色相掩映望之鬱然深秀迥異羣峯）

姜焯 昌邑人

崔巍形勢近蓬萊大雅芳名孰與陪躍水潛龍從北向嘶風奔馬自東來山銜落照層層見樹對斜陽面面開城郭已非前日舊長留積翠映三台（昔曾建縣於此明萬曆間復遷建今治）

#### 前題

歲貢 王春元 板橋人

### 感恩縣志

#### 卷十九

藝文志

詩

二

海口海南書局承印

大雅山連天際高昔人曾此駐千旄百年地僻群峰占終古荒郊萬木號岩色映時開積霧夕陽斜處捲飛濤不知幾閱滄桑變海外猶傳一世豪

#### 前題

教諭李 茂南海人

群峯東峙日西沉夕照銜山鳥在林惟有烏鴉棲未穩乘風飛上翠微岑

#### 天馬插雲

（即城南六十里之天馬嶺也舊志記三十里誤其嶺倚伏突兀狀如駿馬奔騰明萬歷九年遷縣在大雅山時立學宮向之因此嶺有山聳翠插雲故名）

舉人 何子澄 貴州開州人

躡影追風世所稀雲端逸足傍雲飛相應市駿遺邊嶠還恥同驂避海崎腰鼻知非凡牝牡空羣豈是尙輕肥荒郊若有孫陽過翹首嘶風上帝畿

#### 前題

陳秉坤 蘭陵人

形勢迷離欲步空檀溪三躍昔稱雄春郊忘却嘶芳草雲漢寧知趨曉風如脫鹽車遺陌上宛然天駟閃寰中從今不履槽間跡千里遙看興未窮

龍江漁釣

（即城西北之雨龍江也源自黎母水號感恩夏之日冬之夜或簑或笠駕一葉之扁舟漁釣於斯水鮮可食豈其食魚必河之鯉耶）

歲貢麥 穗 城外人

孤舟新水闊人在蓼花邊獨釣一竿月長隨萬頃川高歌驚宿鷺輕笠伴晴煙誰識龍江趣鮮魚味更鮮

蛋村煙雨

（在城北里許邑之蛋戶羣聚於此遂以名村居民傍水上下天光一碧萬頃晨視晚眺煙雲慘淡鬱乎蒼蒼蓋其若隱若見氣象萬千者是造物之無盡藏也（按蛋村今已遷散他方）

碧沙迴流

（碧沙洲在東臯之前其流自西北迴於東南溢則仍逆流而朝於海洲在其遠則青山映翠近則綠水浮波日月所照不減冰壺玉屑碎擊而成）

廩生 胡佑文 板橋人

落落荒城枕碧沙紆迴長自抱官衙波翻萬頃濤聲近渚擁中流水勢斜漫道文人頻載酒佇看

感恩縣志

卷十九

藝文志

詩

三

海口海南書局承印

仙令又浮槎一年共沐迴瀾澤不羨河陽滿縣花

南郭春疇

（本邑枕山環海附郭之地惟東南隅可耕時方春及綠野橫空主伯亞旅俶南畝擊缶而歌蓋豐年多黍多稌始基之矣）

王際亨

三春幾度出南城是處良田可插耕水沒斷橋膏雨足風回野樹鳥啼輕西成漫說禾梁好東作先將稼穡營爲問郊原諸亞旅年來何幸慶豐亨

前題

典史劉俊邦 陽穀人

氤氳紫氣映遐荒南郭春晴農事忙陰雨潤從膏雨足桃花風逐稻花香笑看士女爭携饁坐聽權呼漫舉觴願得甘棠遺蔭在黎民千載慶倉箱

前題

廩生 盧炳光 十所人

犁膏雨足滂沱南郭農忙越早禾退却冬裘衣短着鋤來春草未頻荷載陽共道晴光好饁餉還看日色酡笑指幾回洗馬客何如簑笠唱牛歌

東臬玩月（去城東不數武名曰東臬爲邑中形勝拱聚之地徘徊瞻眺仰見明月古人

登東臬以舒嘯其如此乎）

呂如龍 鳳城人

東臬時嘯傲景物迥天然舉目青山近當頭皓月懸池中觀鯉躍林下有牛眠遊客閒舒眺胸懷  
頓滌捐

西樓聽潮（卽縣治延照門城樓也枕伏大海有濤聲西北而來或涵蕩澎湃或驚風怒

號不可測矣）（今圯姜志）

吉惠迪 崑邑生員

炎荒寥寂處閒眺不勝情海上潮能語樓頭聽獨明三秋誰弄笛午夜漫吹笙豈是無情物朝朝  
風送聲

### 九龍八景合賦一章

廩生石 清 丹村人

大雅巍峨迥不羣碧沙如帶影如鱗數峯奔逐來天馬一望雲煙繞蛋民東出城闈寒月皎西登

## 感恩縣志

### 卷十九

藝文志

詩

四

海口海南書局承印

樓閣海潮新龍江漁父纜歌罷又聽南郊慶早春

### 四宜亭

黃友瓚 崑營遊擊  
順德人

孤亭寓目恰相宜况又遐陬政暇時放鶴出林花座近抱琴臨月鯉聽遲山圍雉堞森如畫海送  
潮音細入詩昨在九龍城外過黎民觀感羨雍熙

### 詠通天節婦符周氏

陳秉信

廿六孀居五十春冰心獨抱絕凡塵最憐斂却離鸞恨莫把愁顏對二人

### 前題

高耀元

雲魄冰魂古性情孤眠猶自憶雞鳴和顏膝下如郎在廿六孀居了一生

### 前題

符國儒

柔聲膝下世稱賢金石還同晚節堅豈忍浮塵污半點獨持潔白對青天

### 前題

王如心

閨院風清靜夜澄蒼松晚節氣凌蒸歲寒不改冬青色磨鍊貞心一片冰

### 前題

高茂雅

自古綱常節孝難柏舟守志見心丹承歡菽水翁姑樂彤管芳流宇宙寬

### 光緒甲辰憲委巡視全瓊鹽務重到感恩作

李熙

遇合隨天定重來此感恩古風濱海地今兩部民村瘴嶺逢新驛（是夕宿嶺頭驛）鹽田訪舊墩

（奉檄勾當鹽務）道旁傳姓氏幾輩問寒溫

舊邑難爲別而今作寓公筭輿環父老竹馬迓兒童識面春巢燕縈懷雪爪鴻村墟留字迹猶煥彩箋紅（沿路還見舊時楹書）

三年五令尹後軫邁前鑣堂墜一鱸渺（楊少華歸道山）琴歸一鶴遙（趙子耀調任）侯名空聶政（聶誦山被議）仙吏去王喬（王直坡交卸去）我願甘丞相從新政績標

試問何遺澤征轅尙力攀待民心本赤游宦鬢添斑積恨追防海（當時海盜甚熾）狂氛駭據山（近日聞有黎警）風塵揮手別還戀九龍灣

### 感恩縣志

#### 卷十九

藝文志

詩

五

海口海南書局承印

### 咏龍塘潭

潭在縣東南溪地離城九十里其深莫測

教陳德潤月村人論

有潭之始是何年地厚收成出自然夜浸寒星輝澤國朝含旭日曉山嶺多生魚鼈深如海變化蛟龍直上天（昔傳有龍從此塘潭升天）水土鍾靈多毓秀留傳金石久雕鐫

### 感恩卽事

光緒丙申

教諭

梁麟章 香山人

繞遍城頭不見城（余初聞感恩無城之諺猶以爲非及抵任行香周歷全城總不辨內外始心信之蓋頽垣墮瓦亦屬民竊用殆也）牛車輾轉任縱橫（昌感一帶凡運貨載客俱用牛車）家樹影青團屋（城中人家無不環植樹木望之髣髴如園林）處處茅絲曰望衡（城內外約茅屋七瓦屋三）向曉簷前聽鳥語未昏牀下亂蟲聲（其地多草木故虫鳥之音亦多）荒涼滿目傷懷甚贏得民無雀鼠爭（城中民情厚朴訟獄甚稀爲差強人意）

### 卸任寓九龍學校作

知縣王開先 四川人

早卸官肩久住城五更深裏讀書聲（學生常起五更讀書）太除習氣皆私意不受掄詞亦矯情官已履新民尙舊民間尙行舊曆）身雖話別意猶縈故鄉歸去談踪跡曾過滄海上瀛

蛋村煙雨

唐之瑩

寥落村墟傍水涯烟籠雨霽共徘徊沙鷗盡日隨波去舟子迎風逐隊來  
夜暮橫飛雲繞屋沙明徧照蚌含胎炎涼世態誰趨附絳帕蒙頭亦快哉

龍江漁釣

龍江發跡水源長浩浩懷襄勢莫當兩岸四時皆釣叟一竿垂處盡漁郎  
翩翩鷗鷺橫沙堵欸欸蜻蜓過野塘風景自饒真洒落何勞與俗競炎涼

四宜亭懷古

四宜何處覓柴門物換星移不復存唱罷江東無嗣響空留郭外對斜曛  
鶯啼似欲呼春夢草長今難覓履痕舊蹟傳聞風過耳幾回彷彿莫知源

飛來廟

事詳縣志

符惟英

相公底事歷重洋廟貌仙風海國彰鶴化忽來飛棟宇牛眠還帶返家鄉  
梁承拱斗標新式柱嵌

感恩縣志

卷十九

藝文

詩

六

海口海南書局承印

明珠照夜光自是千秋神異蹟拜瞻何止遍羣氓

飛來廟

唐之瑩

相公得道歷重洋廟貌飛空返故鄉鬪角抽心花放彩雕梁畫棟月生光  
荒郊青塚埋仙骨靜夜明珠萃錦堂颯爽英姿靈且應至今猶且肅趨跼

漁鱗洲

事詳縣志

符惟英

萬頃洪濤島嶼連水雲壯闊渺無邊舉頭天外窮滄海聘目空中有洞天  
最好探奇供嘯咏果然得道是神仙蓬萊方丈知何處到此都教洗俗緣

漁鱗洲

唐之瑩

漁鱗高聳接雲煙策杖登臨別有天怪石迴環看不厭奇峯重疊翠相連  
泉留一井清如許浪擊千層勢欲顛海上三山何處覓分明此境是神仙

落纓嶺

唐之瑩

落纓名勝獨登臨高聳層巒繞碧陰一朵觀音長作客（嶺半有一大石似觀音坐蓮者）  
四時春

草疊成林浮雲錯出舒還捲彩燭雙輝古至今（春夏間戌後常有燭二枝光燃嶺麓近而觀之又渺無可尋古今不泯）回首閒看紅日近匡廬洞見豁胸襟

### 漢伏波井

唐之瑩

平蠻老將馬文淵掘得天南第一泉夏日常清能解渴冬寒仍暖似烹鮮波澄瓊島恩流萬郡置珠崖世閱千莫怪士民深感戴脩祠結社祀年年（十所立祠於井西祀之）

### 贈盧唐二主筆

周文海 鐵錚

九龍遊宦切瞻韓得識芳容一笑歡秉筆西河詞莫贊濫竽南郭曲頻彈有心偏覺移山易不學也知製錦難此幸四方無所事從頭建設勿盤桓  
漫說風雲志莫酬古人刀筆也封侯經邦策畧尋陳迹歷世圖書費校讐過却不爲秦政滅零編  
終有伏生留驂騮展足騰千里指日文明冠五洲

### 和前韻

盧宗棠 爰南

## 感恩縣志

### 卷十九

藝文志

詩

### 七

海口海南書局承印

胸羅兵甲素聞韓擁節來臨闔境歡郊迎兒童騎竹候署閒父老聽琴彈公嫺庶務操刀易我愧  
三長下筆難予奪敢援尼父例聊搜故事紀齊桓  
豈特經邦素願酌文章更可傲王侯我無長策難邀賞公舉眞能不避讐白雪自慚郢莫和黃金  
好鑄島常留宣城一賦驚天句騰播才名海上洲

### 和前韻

唐之瑩 子晶

才高山斗久推韓捧檄南來士庶歡化洽境中將劍賣風清堂上有琴彈初騰驥足知容易小試  
牛刀信不難佇看政成優報最翱翔何事尙盤桓  
壯志從來未展酌識荆也似勝封侯無才未易加褒貶秉筆何嫌有怨讐親炙光儀心已慰撫綏  
善政姓長留魯恭政績何多遜孔邇欣歌遍海洲

### 天馬嶺

陳達傑

天馬名峯近海濱層巒聳翠石粼粼崇岡宛似驂騮狀疊嶂居然駉駉身追電步雲留絕島嘶風  
踏雪出凡塵邊南特壤鍾靈秀伯樂如逢乃識眞

馬下營

陳達傑

地勢迴環若柳營奇觀勝景即蓬瀛四維羅列層峰密一望登高卷石橫馬跡鞭痕留永久蝌文  
筆畫似生成至元甲午將軍到絕島蠻夷盡削平

黎婺山

陳達傑

巍峨屹立冠羣山黎婺高撐海島間秀插層霄扶日馭靈鍾一卷透雲關巖中湧出原泉遠嶺上  
遙瞻大海環果是員嶠方丈境此間常列衆仙班